

# Dienelkander



**Nuusbrief van die Gereformeerde Kerk Potchefstroom-Oos**

**WhatsApp:** 067 713 2332

**Facebook:** [www.facebook.com/oosdoppers](http://www.facebook.com/oosdoppers)

**Intydse erediensuitsendings op YouTube by:** Oos-Doppers Potch

**Webblad:** [www.oosdoppers.co.za](http://www.oosdoppers.co.za)

**Erediens videobank:** <http://ow.ly/ivfZ309vsdc>

## 12 September 2021

### 09:30 OGGENDEREDIENS EN UITSENDING: Student Barend vd Westhuizen

Ons verwelkom vir teologiese student Barend van der Westhuizen hier by ons en dien die Here onder sy leiding. Welkom ook aan die twee professore van die TSP wat hom vergesel.

**Tema: God gee dat ons as sy kinders Hom reg sal ken en daarom bid ons dat Sy Naam geheilig word.**

Ons kyk na Sondag 47 waar daar baie sake op die voorgrond is, maar spesifiek is ons aandag op die gedeelte "Gee allereers dat ons U reg ken...". Verder gaan ons sien hoe die Skrifgedeeltes van 1 Johannes 2:28 - 3:10 & 1 Johannes 5:18-21 belig hoedat ons God se Naam in ons optrede behoort te heilig sodat sy Naam nie gelaster sal word nie. '

Ons gaan by twee punte stilstaan, naamlik:

- God gee dit dat ons Hom as sy kinders reg sal ken
- Ons as God se kinders bid dat sy Naam geheilig moet word.

### God en ons ontmoet mekaar

Intreelied: Psalm 36-1: 2, 3; Votum: Psalm 121: 1-2; Seën; Loflied: Psalm 33-1: 1, 2, 11; Belydenis: Nicea

### Ons verootmoedig ons voor God

Wet: Eksodus 20: 1-17; Sing as antwoord op die wet: Psalm 19-1: 6, 7; Gebed

### God bedien aan ons sy Woord en ons ontvang dit aktief in geloof

Skriflesing: 1 Joh. 2:28 - 3:10 en 1 Joh. 5: 18-21

Belydenis: Sondag 47

Sing: Sb 10-1: 1, 2, 3, 4; Woordverkondiging

### Ons antwoord op die Woordbediening

Gebed; Liefdegawe; Sing: Sb 2-4: 1, 3; Seën; Amenlied: Sb 13-2.

### 18:00 AANDDIENS: Ds Piet Venter

Dink aan die moeilikste omstandighede waarin jy jou kan bevind! Dink aan daardie tye wat jy regtig alle moed en hoop verloor het! Dink hoe magteloos en moedeloos kan 'n mens nie voel nie! En dan hoor jy hierdie uitnodiging van ons Here Jesus:

**"Vra, en vir julle sal gegee word; soek, en julle sal kry; klop, en vir julle sal oopgemaak word"**

Is dit nie die wonderlikste woorde ooit nie? Is dit nie die hart van die evangelie- boodskap wat elke mens optel en bemoedig nie? Kom ons dink vanaand weer nuut saam oor gebed en die

wonderlike beloftes wat God daaraan verbind en dan vra ons onself: Hoekom bid ons so min?

### **Tema: Hou net aan bid!**

#### **God en ons ontmoet mekaar**

Intreelied: Sb 15 - 1: 1, 2, 3, 4; Votum; Seën;  
Loflied Ps 142 - 2: 1, 2, 3, 4, 5 (Mel Ps 134 - 1);  
Gebed

#### **God bedien aan ons sy Woord en ons ontvang dit aktief in geloof**

Skriflesing en teks: Matteus 7: 7 - 12  
Belydenis: Heidelbergse Kategismus Sondag 45  
vr 116;  
Woordverkondiging

#### **Ons antwoord op die Woordbediening**

Sing: Sb 10 - 2: 1; Seën; Amenlied: Sb 13-3.

**Liefdegawes vandag:** Beide kollekties vandag is ons eie Diakonie.  
(Gebruik die Zapper App of eft in Diakonie se rekening)

### **MEELEWING**

- Br Douw Kruger se seun herstel stadig maar seker van Covid.
- Sr Marthie Schoeman ervaar baie kroniese pyn en ons bid vir verligting en beterskap.
- Denise Sutherland is met kanker gediagnoseer en in die hospitaal opgeneem vir 'n operasie en verdere toetse.
- Riana de Klerk se stiefpa is oorlede.
- Pieter Joubert sukkel nog om te herstel na sy been gebreek het, asook ontwrigting van sy heup daarna.
- Ons lidmate wat in die Amelia Sorgsentrum versorg word gaan deur 'n beproewende tyd en ons dra hulle aan die Here op.

**Ons bid al hierdie lidmate troos en beterskap toe in hierdie beproewings.**

### **ONS VRA VOORBIDDING VIR DIE VOLGENDE LIDMATE WAT SUKSEL MET SIEKTE OF SWAK GESONDHEID**

Isak vd Walt, Lana Labuschagne, Estette Bredenkamp, Annette Coetsee, Joe Coetsee,

Bettie Niemand, Dries en Rita Schutte, asook Douw en Hantie Grobler.

### **BAIE WELKOM AAN**

Eric Aspeling na twee jaar met attestaat terug vanaf GK Messina. Hy woon in Oudebrugweg 26, gr 30.

### **BAIE GELUK AAN**

Nicolaas en Jorette Erasmus met die geboorte van Mianke, hulle eersteling- babadogtertjie. Baie geluk ook aan oupa en ouma Albert en Riana Schutte. Ons is saam met julle bly.

### **BEDIENINGE VAN HIERDIE WEEK**

#### **Vandag**

09:30 Oggenderediens  
Kleuterbediening  
Katkisasie - Les 21  
18:00 Aanddiens  
19:00 Ouderlinge-vergadering

#### **Maandag**

17:00 Diakonie: Dagbestuur en DG-leiers  
18:00 Kersmark

#### **Dinsdag**

06:00 Manne gebedsgroep by die pastorie  
17:00 Eiendommediensgroep  
17:15 Katkisasie gr. 11

#### **Woensdag**

17:15 Katkisasie gr. 8  
18:00 Katkisasie gr. 9  
18:30 Katkisasie gr. 10  
18:30 Gebed & Ondersteuning

#### **Donderdag**

17:30 Kursus: Verwerking van verlies van 'n geliefde  
18:00 Elim: Bybelstudie

### **VERJAARSDAE**

Baie geluk aan almal wat DV hierdie week verjaar!

#### **Sondag, 12 September**

Jsr Juannè Victor  
Sr Theonet Viljoen

## Maandag, 13 September

Sr Annette Coetsee \*

Br Joe Coetzee \*

Sr Josephine de Lange

Sr Alta v Zyl

## Dinsdag, 14 September

Jbr Frans du Plessis

Sr Christa van der Walt

## Woensdag, 15 September

Br Tienie Bezuidenhout

Br Simon du Plooy (Walter Sisulustr)

Jsr Jade Prinsloo

## Donderdag, 16 September

Sr Adele du Plessis

Sr Ria Robberts

Br Dries Schutte \*

## Vrydag, 17 September

Sr Lorette Bester

Br Koos de Klerk

Sr Esmari Rood

Jbr Henlu v As

## Saterdag, 18 September

Br Martin Bester

Sr Ena de Bruyn

Sr Nelleke du Toit

\* Lidmate met spesiale verjaarsdae bo 75 jaar.

## KERSMARK: 22 NOV TOT 4 DES: HELP BEMARK ASB!

- Die Kersmarkkomitee is hard aan die werk om hierdie jaar se Kersmark weer aan te bied! Daar is **vensterplakkate** in die voorportaal van die Skuur. Neem gerus en sit die plakkate asb by julle besighede of werksplekke op!
- Ons het hierdie jaar weer borgskappe nodig om ons projek suksesvol aan te bied. Indien enige lidmate kans sien om op hierdie manier betrokke te raak, kan julle gerus met Rieëtte of Adele skakel.

## BYBELLEES-PROJEK

### Week 35 (13 – 19 September)

Maandag Matteus 18:15 – 20:34

Dinsdag Matteus 21:1 – 22:46

Woensdag Matteus 23:1 – 24:51

Donderdag Matteus 25:1 – 26:56

Vrydag Matteus 26:57 – 28:20

Saterdag Jakobus 1:1 – 3:12

Sondag Jakobus 3:13 – 5:20

Stuur jou klagtes of gedagtes, enige navrae of versoeke aan Erasmus Venter by 076 090 4459 of stuur 'n e-pos aan [eav.venter@gmail.com](mailto:eav.venter@gmail.com)

## DANKBAARHEIDSFEEES!!

Een van die geheime van 'n gelukkige lewe is dankbaarheid. As ons dit kan reg kry om met dankbaarheid te leef, verander dit die wêreld vir ons. Begin ons verby die dinge kyk wat die lewe vir ons moeilik maak en sien ons die seën wat ons het, raak.



Na amper twee jaar van beproewing nooi ons u hartlik uit om as gemeente saam fees te vier en God te dank vir sy genade, goedheid en seën. Hou die datum van 30 Oktober oop vir ons Dankbaarheidsfees. U wil dit nie mis nie.

## TOPIA – TOERUSTING MOSAMBIEK

**Tussen 10 Junie en 03 Julie het Johannes en teologiese student Morkel Johl Mosambiek besoek.** Daar is eers by die *Volta a Biblia* Bybelskool in Macia besoek afgelê. Daar het TOPIA waardevolle lesse geleer wat baie goed by Covenant College in Zambia toegepas kan word.

Daarna is Ds Samuel Capesse wat tolk en Ds Samuel Pedro namens die Thumbine sinode, opgelaai. Die informele saamry en saambly vir 'n paar weke is 'n wonderlike geleentheid om aan mekaar te slyp en mekaar op te bou. Die hoofokus van die besoek was om dissipelskapsopleiding vir kerkleiers by Chiconono en Mavago in die Niassa provinsie te doen. In Beide die dorpe is mense oorwegend Moslems.

Toe ons by Chiconono aankom, hoor ons dat die gemeente hul Moslem bure ook na die opleiding uitgenooi het. Na 'n paar biddende aanpassings het die opleiding baie goed gewerk. Die Moslems in die dorp is oorwegend

ongeletterd. Hulle het dus weinig kennis van hulle eie geloof en was verwonderd oor wat hulle in die Bybel ontdek het. Een van die jong mans het vertel hoe hy elke dag se ontdekkings uit die Bybel met sy vrou gedeel het. 'n Ander jong gelowige van Moslem agtergrond het oorweeg om 'n tweede vrou te trou omdat hulle geen kinders het nie. Na die ontdekking uit Genesis oor die ontstaan van die huwelik, het hy van besluit verander. Na die opleiding het ons terugvoer ontvang dat beide gemeenskappe se deelnemers besig is om toe te pas wat aan hulle geleer was.

**Johannes het vertrek weer DV die 29ste Augustus vir drie weke na *Back to the Bible Mission* in die Barberton omgewing. Daar gaan hy die brief aan die Kolossense met die derdejaars en denke wat Afrika beïnvloed en diensknegleierskap met die eerstejaars behandel.**

**TOPIA MEDEWERKER:** Indien jy fotos en kort beriggies via die TOPIA Whatsapp *broadcast* oor opleidingsreise wil ontvang, **laat weet asseblief vir Lizanne by 084 555 1890.**

Asseblief bid saam, kom help met opleiding of maak 'n koninkryksbelegging deur Zapper, Snapscan of die TOPIA FNB TJEKREKENING: 62769393712 Takkode: 250655.

### EFT

TOPIA FNB  
Tjekrekening:  
62769393712 Takkode:  
250655

### Zapper



### Snapscan



**AAN GOD AL DIE EER - IN HOM, DEUR HOM  
EN VIR HOM!**

## GKSA NUUS

### **Beroep aanvaar**

Ds Jaco Cronjé van GK Aliwal-Noord na GK Bloempark.

### **Die Kerkblad**

Die Kerkblad is in die voorportaal van die Skuur beskikbaar vir lidmate wat daarop ingeteken is.

### **WWESKAMP**

Wweskamp is 'n wegbreek geleentheid in die Drakensberge vir senior studente en jongwerkendes. Ons volg 'n ligte program met baie tyd vir ontspan en om die pragtige skepping te beleef. Dit is 'n uitstekende geleentheid om geloofsvriende te maak, weg te breek uit die gejaag van die lewe en om tyd saam die Here in sy skepping te spandeer.

**Datum: 23-26 September 2021**

**Plek:** Bergventure in die Drakensberg

**Koste:** R 1000 pp. (Sluit verblyf en etes in)

Kontak Erasmus Venter by 076 090 4459 vir inskryfvorms of direk vir Ds. Jacques Tredoux by 084 049 6216.

### ALGEMENE INLIGTING

#### Snapscan LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.



### KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Erasmus Venter – 076 090 4459

Kerkkantoor: Adele– 018 290 7690 / 082 532 8658 - kerkkantoor@oosdoppers.co.za

Koster: Dawie v Zyl – 082 774 7936



# SUSTERS IN DIE GELOOF

HOOP IN 'N WÊRELD WAT MET HOPELOOSHEID GEVUL IS.

1 PETRUS 1: 3-4 "...NOU HET ONS 'N LEWENDE HOOP....."



## TEESKINKGELEENTHEDE

Ter wille van ons gemeente se veiligheid en ons huidige inperkingsregulasies, sal daar nog nie teen en koffie na die oggenddiens bedien word nie.



## SUSTERSBYDRAE

Die susters se fondse word uit elke suster se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis 'n bydrae vir hierdie werk gee.



## BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.

Baie dankie vir julle getroue bydraes!



# Oosdoppertjies

Johannes 3:16

Want so lief het God die wêreld gehad, dat hy sy enigste Seun gegee het, sodat elkeen wat in Hom glo, nie verlore mag gaan nie, maar die ewige lewe mag hê.

## PRINS AMNON VERMOOR DEUR SY BROER

Report

MOORD  
IN  
DIE  
PALEIS

### Paleisverslaggewer

JERUSALEM - Die hele stad is gister tot stilstand geruk deur die skoknuus dat kroonprins Amnon vermoor is. Sover vasgestel kan word, is Absalom, die tweede aanspraakmaker op koning Dawid se troon, die een wat agter die moord sit.

Teenstrydige berigte het aanvanklik die paleis bereik. Die eerste berigte het gelui dat prins Absalom tydens 'n oesfees in Baal-Gasor al die koningseuns vermoor het. Jonadab, seun van die koning se broer Samma en 'n boesemvriend van prins Amnon, het egter aan die koning berig dat dit slegs Amnon is wat vermoor is en dat sy ander seuns veilig is. Kort hierna het die prinse opgedaag. Toe hulle hul vader sien, het hulle hardop begin huil van skok en ontsteltenis en hy saam met hulle.

Prins Absalom het nie na Jerusalem teruggekeer nie. Sover vasgestel kan word, het hy na Gesur gevlug, waar hy glo om asiel wil aansoek doen by koning Talmai.

Mense na aan die koningshuis sê, dat die moord die kulminasie is van twee jaar van bitter vyandigheid tussen Amnon en Absalom. Hoewel dit om verstaanbare redes nie rugbaar gemaak is nie, het Amnon destyds Absalom se beeldskone suster, Tamar, verkrag. Die koning was glo woedend, maar hy het niks gedoen om die onreg reg te stel nie. Absalom het hom oor Tamar ontferm, maar hy het sy halfbroer nooit die onreg vergewe nie.

Lees hiervan in 2 Sam. 13

Bron: Die Bybelkoerant

## BAIE DANKIE AAN ONS BORG VAN DIE WEEK!

### **VIVIERS** INGELYF **PROKUREURS**

*Skakel Pierre Viviers vir die volgende regsdiens:*

- \* Opstel van testamente
- \* Boedel- en aftreebeplanning
- \* Beredding van bestorwe boedels
- \* Stigting van trusts
- \* Registrasie van onroerende eiendom
- \* Siviele litigasie – Hoë- en Landdroshof
- \* Skuldinvorderings
- \* Huweliksvoorwaardeskontrakte
- \* Lugvaartregsdienste
- \* Lugvaartversekering – FSP nommer 43890

Eerstevloer  
Octrongebou  
James Morokalaan 62  
Potchefstroom  
☎ (018) 297-5201 k/u  
pierre@viviersattorneys.co.za